



Broj: 01-33-5- 465 – 2 /26 – Dž.T.  
 Sarajevo,

03-02-2025

BOSNA I HERCEGOVINA  
 Federacija Bosne i Hercegovine  
 Kanton Sarajevo  
**MINISTARSTVO ZDRAVSTVA**  
 n/r Ministra, Prim. mr sci. dr med. Enis Hasanović  
 Reisa Džemaludina Čauševića 1  
 71000 Sarajevo

**PREDMET:** Odgovor na zastupničko inicijativu zastupnice Vedrane Vujović, dostavlja se

Poštovana,

Postupajući po aktu Ministarstva zdravstva Kantona Sarajevo kojim je zatraženo izjašnjenje Zavoda zdravstvenog osiguranja Kantona Sarajevo povodom zastupničke inicijative zastupnice Vedrane Vujović od 16.12.2025. godine, koja se odnosi na ostvarivanje prava na zdravstvenu zaštitu studenata iz Republike Srpske koji studiraju na Univerzitetu u Sarajevu, Zavod zdravstvenog osiguranja Kantona Sarajevo daje sljedeće izjašnjenje.

U odnosu na pitanje pod tačkom 1. inicijative, koje se odnosi na postojanje sporazuma kojim je bila regulisana zdravstvena zaštita studenata iz Republike Srpske, obavještavamo da je na teritoriji Bosne i Hercegovine bio na pravnoj snazi „Sporazum o načinu i postupku korištenja zdravstvene zaštite osiguranih osoba na teritoriji Bosne i Hercegovine, van područja entiteta, odnosno Distrikta Brčko kome osigurane osobe pripadaju“, na osnovu kojeg su osigurana lica iz Republike Srpske, uključujući i studente koji studiraju u Kantonu Sarajevo, ostvarivala pravo na zdravstvenu zaštitu u zdravstvenim ustanovama Kantona Sarajevo, uključujući i JU KS Zavod za zdravstvenu zaštitu studenata Univerziteta u Sarajevu.

U odnosu na pitanje pod tačkom 2. inicijative, koje se odnosi na raskid navedenog sporazuma, ističemo da je predmetni Sporazum prestao da važi dana 01.01.2025. godine, nakon što je Fond zdravstvenog osiguranja Republike Srpske jednostrano dostavio Izjavu o otkazu Sporazuma, čime je isti raskinut i time su prestali postojati pravni osnovi za međuentitetsko korištenje zdravstvene zaštite.

U vezi sa pitanjem pod tačkom 3. inicijative, koje se odnosi na trenutni pravni i institucionalni okvir za ostvarivanje zdravstvene zaštite studenata iz Republike Srpske koji studiraju u Kantonu Sarajevo, prema saznanjima Zavoda zdravstvenog osiguranja Kantona Sarajevo novi sporazum kojim bi se uredilo međuentitetsko korištenje zdravstvene zaštite još uvijek nije zaključen, iako se, prema dostupnim informacijama, radi na njegovom usaglašavanju. Shodno tome, u ovom trenutku ne postoji važeći pravni okvir koji bi omogućavao ostvarivanje prava na zdravstvenu zaštitu osiguranih lica iz Republike Srpske na teritoriji Kantona Sarajevo. Prema saznanjima Zavoda, Fond zdravstvenog osiguranja Republike Srpske je Zavodu zdravstvenog osiguranja i reosiguranja Federacije Bosne i Hercegovine dostavio dopis u vidu obavještenja o postupanju u slučajevima u kojima se osigurano lice Fonda zdravstvenog osiguranja Republike Srpske nalazi na liječenju u zdravstvenoj ustanovi na teritoriji Federacije Bosne i Hercegovine ili Brčko Distrikta, ali ovaj Zavod takvu ili bilo koju drugu obavijest nije zaprimio.

U odnosu na pitanje pod tačkom 4. inicijative, koje se odnosi na to da li su studenti zvanično i pravovremeno obaviješteni o nastalim promjenama, Zavod zdravstvenog osiguranja Kantona Sarajevo nema saznanja da li su studenti o tome obaviješteni, imajući u vidu da se radi o osiguranim licima Fonda zdravstvenog osiguranja Republike Srpske, te da je obaveza informisanja osiguranika o promjenama u načinu i obimu ostvarivanja njihovih prava u nadležnosti tog fonda.

Adresa: Ložionička br. 2, 71 000 Sarajevo

ID broj: 4200178560003, PDV broj: 200178560003, Broj upisa u sudski registar: 65-05-0051-12,  
 Depozitni račun broj: 154-921-2014617245, Glavni transakcijski račun broj: 154-921-20146171-48,  
 Transakcijski račun broj: 132-020-20293671-18  
 Transakcijski račun broj: 306-000-32712158-45  
 Tel. +387 33 72 52 00, +387 33 72 52 07, Fax +387 33 61 86 14  
 e- mail: info@kzzosa.ba kabinet@kzzosa.ba





U vezi sa pitanjem pod tačkom 5. inicijative, koje se odnosi na planirane ili moguće mjere Ministarstva zdravstva Kantona Sarajevo i Ministarstva za nauku, visoko obrazovanje i mlade Kantona Sarajevo radi osiguranja kontinuiteta zdravstvene zaštite ovih studenata, napominjemo da navedeno pitanje ne spada u djelokrug rada Zavoda zdravstvenog osiguranja Kantona Sarajevo, te se Zavod o istom ne može izjašnjavati.

Shodno navedenom, Zavod zdravstvenog osiguranja Kantona Sarajevo postupa u okviru važećih propisa i postojećih pravnih osnova, te u saradnji sa ostalim kantonalnim zavodima zdravstvenog osiguranja i Zavodom zdravstvenog osiguranja i reosiguranja Federacije Bosne i Hercegovine intenzivno radi na usaglašavanju stavova i aktivnosti u cilju zaključenja novog sporazuma kojim bi se uredilo ostvarivanje prava na zdravstvenu zaštitu osiguranih lica iz Republike Srpske i Brčko Distrikta na teritoriji Kantona Sarajevo, kao i osiguranih lica iz Kantona Sarajevo na teritoriji Republike Srpske i Brčko Distrikta.

S poštovanjem,



PO OVLAŠTENJU DIREKTORA  
POMOĆNIK DIREKTORA ZA EKONOMSKO-  
FINANSIJSKE POSLOVE

\_\_\_\_\_  
Vildana Fazlibegović, dipl.oec.

Dostaviti:

- Naslovu;
- Direktor;
- Službi pravnih poslova;
- Odjeljenje za javnost rada, pozivni centar i EZK;
- a/a.